

فخري

«تخلص وطن»

«اعلاى دين»

نومرو ۱۰ ۲۰ رمضان المبارک ۱۳۱۴

شورای امت

۲۲ شباط افریكى ۱۸۹۷ سنه ۱

آبونه بدلى: هر يرايچون سته لكى برانكيز ليراسيدر . بازارايرتسى كونلرى لشر اولنور

آدره سمز:

قانون اساسى - صندوق البوسته نمرة ۳۳۰
مصر القاهرة
CANOUN - I- ESSASSI
BOITE SPÉCIALE
N. 330
CAIRE, (Egypte).

نهمكن ظلم ايله بيداد ايله امحساي حريت
جاليش ادراكى قالدیر مقتدرهك آدميتدن
کال

داخلده بولنان ارباب غيرت وحيته تشرو تعمیعی تعهدايتديكى
حالده بجاناده كوندريلور .

وسائط مخصوصه ايله ايسته ينار ايجاب ايدده جك فضله

نسخه سى ۴ غر وشددر

جرى كوندريليدر

افكار عمومیه ملیه يي تئوراييه وطن مقدسمزك تخلصنى شريعت وحميت نامنه طلب ايدن جريده مزك تعمیعی هر مسلم و عثمانلى ايچون برقریضه در

مقاله شرعیه

اولوالامر کیم اوله بیلیر؟

اولوالامر ده اطاعت لزومنی امر ایدن آیت
جليله نك حکم متینی . احکام قرآنیه نك خلاصه
سى . سیاست اسلامیه نك ده قدر کفایه سى ایش
کبی افراد اسلامیه یه کمال اهمیت واعتنا ايله
تلقین اولنه کلدیكى جمله نك معلومیدر . کلمه
شهادتی درست اوقویه میان ، کیمک امتندن
اولدیفنی بیلمیان میلیونلرجه اهالی قرا اولوالامر ده
اطاعت لزومنی تعبد درجه سنه حس ایدر ،
حتی پادشاهی آبدستیز آغزه آلمق کناه
اولدیفنی اعتقاد ایلر .

بوانحصار معرفت ، اغفال عباد الله مسلکنى
اتخاذ ايله کفی اجرای احکام ایتک ایستیان بر
حکومتک بقاسنی تأمین ایچون الویریشلی
اوله بیلیر .

بونک نتیجه و خیمه سى دکلمیدر که بوجوله
مغفل و معطل ایدیلان و علما و عقلا سى بالطبع
ندر بولنان و برید استبداده آلت اولان عوامه
بر حقیقت اکلایمتی اصعب امور اولیور ؟ بیچاره
لر خیر خواهی بدخواهدن تفریقه مقتدر اوله

مازلر . آنلره ایلک ایتک آرزو سنده بولنان
ذوات ده ایشنه کلیان و کندوسنه اطاعتی عواجبه
علی الاطلاق فرض عین اعتقاد اولنان بر کیمسه نك
کیفنه خادم اولماز سه غضب پادشاهیدن اول طعن
اهالی یه دوچار اولور بر امر دینی یی سؤ استعمال
برملتى الك وخیم نتیجه لره ایصال ایدده بیلدیكى
تواریخه مراجعتله معلوم اولور . اموری محلتک
غیر یسته وضع ایتکله تعریف اولنان «ظلم» ک
اساسی وجه مذکور اوزره تمهید اولنور .

اولوالامر ده اطاعت لزومنده اشتباه جائز
دکلایسه ده اولوالامر اولمق صلاحیتی کیم
حائزدر ؟ ونه کبی شرائطه متوقفدر ؟ واتصافی
لازم کلان اوصاف نه در ؟ مسائلک حل
وايضاحی مقاصد اسلامیه ومنافع عثمانیه نقطه
نظر لرندن الك زیاده تلقی یه شایان امور مهمه
دندر . لکن سائر احکام شرعیه ده اولدیفنی کبی
بو خصوصه دخی کفی ورائی تفسیره قالدشقم
اکبر کباردر .

چار وناچار مظهر تسلیم عامه اولمش
مفسرین عظامک تفسیر و تقریرینه تبعیته مجبورز .
آنلرک بیان بیور دقلری حقایق استماع وقبول

تأمین مقصده معزیاده کافیدر
فخر المفسرین جابر الله علامه زنجشیری
اطاعت آیت کریمه سنی تفسیر صد دنده وجه آتی
اوزره بیان حق و حقیقت بیور مشلدر .
«اولوالامر منکم» لفظ جلیلندن مراد امراء
حقدر . زیرا امراء جور دن خداور رسول
بریدر لر که آنلر کندیلرینه اطاعت وجوبنده الله
تعالی یه ورسول کبریاه معطوف اوله مازلر . الله
ورسوله عدالتی ایشار ، انصافی اختیارده و بونک
ایکیسیله امر ؛ ضد لرندن دخی نهیده موافقت
ایدن امرا معطوف اولور . و بویله اولور سه
معطوف ايله معطوف علیه بیلری جمع اولنه
بیلور . بویله امرایه مثال ؛ خلفای راشدین
و آنلره حسن عمل واستقامتله پیرو اولان سائر
خلفای مسلمیندر . خلفای راشدین (بن آره
کرده حق وعدالت اوزره بولند قیجه بکا اطاعت
ایدیکر ؛ عدالته مخالفت ایدر سه م اوزر یکزه بنم
ایچون اصلا اطاعت یوقدر .) دیر لردی . بعض
مفسرینه کوره اولوالامر ناسه دینی تعلیم
ومعروفه امر ومنکر دن نهی ایدن دیندار
علمادر . بعضیلر نك رأینجه امراء سرایا یعنی

جهاد و یا بشقه بر مقصدہ مبنی کوندر یلان
عسا کر قوماندانلریدر .

مراد هر کیم ایسه اوامر الهیه یه وسنت نبویه
یه اطاعت ایدرسه کندوسنه اطاعت لازمدر .
« امیرمه اطاعت ایدن بکا اطاعت ایدر . » مأل
شریفنده کی حدیث نبویه امیر اوصاف
مذکورہ یی حائر اولان امیردیمکدر .

مسلمه بن عبد الملك الاموی ابی حازم
نامنده همتلی برذاته « واولو الامر منکم » قول
کریمله زه اطاعتله مأمور دگلیسکر ؛ دینجه
« فان تنازعتم فی تئی الخ » قول شریفله اوسزدن
رفع ونزع اولندی . جوابی آلمشدر . بو آیت
جليله دخی (سزوسزدن اولان اولو الامر امور
دینیه در برشیده منازعه واختلاف ایدرسه کز
مشکلی حل ایچون کتاب وسنته مراجعت
ایدک) مأل شریفندهدر . امرای جوره
اطاعت نصل لازم اولور ؟

واجب تعالی و تقدس حضر تتری اولو الامرہ
اطاعتی اولادای امانت و حکمده اجرای
عدالت ؛ ثانیاً امر مشککده کتاب وسنته
مراجعت ایتملی ایلہ ذات الجناحین ایلدی .

مرغ اطاعت اوچه مازسه قنادرینی یولان
ظالمده قباحتر . امرای جورایسه امانتی ادا ؛
عدالتله حکم . برشیی کتاب سنته ارجاع
ایتمزل . انجق شہواته تابع ومنهمک اولورلر .
هوسات نفسانیسه آنلری سور و کلیوب
کوتورمشدر .

ایمدی بونلر عند باری ونزد رسالتپناهیده
اولو الامر اولان ذواتک صفاتسندن مسلوب
ومحر و مدرلر . اسملرینک الک لایقی ومناسبی
لصوص متغلبهدر . دیمک ایسترزکه بویله حریرلرک
اولو الامر اولمی شویله طورسون ؛ حیدودلر
کی سرفت وجنایتلری نسبتنده تعقیب ومعاتبه

اولملری لازمدر . مفسر شهیر قاضی بیضاوی
دیورکه اولو الامر وقت سعادتده و صوکره

اولان امرای مسلمین دیمکدر . بونلره خلفا
و ولاه و امرای سربیه داخلدر . واجب تعالی
حضر تتری حق و عدالت اوزره بولندقلری
مدتجه آنلره اطاعت واجب اولدیغنه تنبیه
ایچون کندیلرینه اجرای عدالت خصوصتی
امر وفرمان یوردقدن صوکره ناسه آنلره
اطاعتی امر ایلدی . اولو الامر دن مراد علما
اولیوب امر اولدینی مقلدک مجتهدہ حکمنده
مخالفت ایتمسی جائز اولماسیله مرئوسک رئیسنه
خطالی اموردہ مخالفتی جواز یله مؤیددر .

ایشته اولو الامر نه کبی اوصافی خائرو نصل
شروطی جامع اولمی لازم کلدیکی مقبول علمای
امت اولان بوایکی تفسیر شریفدن مستبان
اولمقدهدر . خلاصه سی : الله و پیغمبره علی
الاطلاق اطاعت فرضدر . چونکه بو اطاعت

خیر محضدر . بونده خطا تصوراتنه مز . فاروق
اعظم افندمرک حکم رسولہ راضی اولمیان منافق
اولدرمه سی بو حکمته مبیدر . اولو الامرہ
اطاعت ایسه خدا و رسولہ هر خصوصده

اطاعتیله مقیددر قرآن وحدیثه مخالف هر امری
کاں لم یکن حکمندهدر . جناب عادل مطلق
معروفله امر . منکردن نهی ایت بیوریور .
معروف موافق شریعت احمدیه ومنضمن مصالح
بشریه ایش دیمکدر . منکر ایسه مضرتی بدیدار
اولان شیدر . بر حکومتک امر بالمعروف و

نهی عن المنکر ایدوب ایتمدیکنه نظارت وظیفه
سی امته عائددر . بوایکی امر اهماه اعتنا ایتمیان
حکومت ودقت ایلمیان ملت کرفتار اوله جقلری
وخامتن کندیلرندن بشقه کیسه یی مسئول
ومعائب طوتماملیدرلر . بوندن نشئت ایدن
بالایا ومصائب غفلتلی سیئاتندن یلنملیدر .

ترکیه نک احوال حاضرہ سی بوسوزلری
اثبات ایچون الک متین براهین عداولنه یلور .

سلطان حاضر « اولو الامر منکم » مدلولی
کندی شخصنه حصر ایلہ وظائف حکومتی
ایستدیکی مجرایه چور دکن صوکره شرع
شریفک اصلا قبول وتجویز ایتمدیکی سیئات
زمینی تهیته ایتمشدر .

جاهل اهالی بر پادشاهک مطاع اولمی نه یه
متوقف اولدینی یلنم . دوغرو سویلمسی مأمول
اولان علمای اعلام تبعید و یا تخویف وتهدید
ایدلش ؛ امرای عسکریه ده ارباب حمیت و ارسه
ده اقلیتده قالمش ؛ ارباب حرص وطمع زمینی
خالی بولمشدر . مداهن علما ومنفعتپرست امرای
مستبد حکمدارک شریک جنایتی ده دوغروسی
برسی علما ؛ دیگرکی سیفاً تخریب وطن وملت
ایدن بریداستبدادک دهشتلی آلتی اولمشدر .

در سعادتده جامع واعظلرینه اولو الامرہ
اطاعت لزومندن بحث ایتملری امر اولندینی
ایشیدیلور . حتی بعض واعظلر علی العمیادشاه
اولو الامر دیمکدر . امرینه مخالفت کفر
اولدینی بیان ایلہ اعلان بلاهت و یا خود اظهار
خیانت ایتمشدرلر .

رمضان شریفده جوامعده وعظ ایدنلرک
جرار مقوله سی ، علم ومعرفتدن همان بی بهره
برکروه اولدینی معلومدر . التمش پاره آلتی
ایچون صدقه فطرك الک فقیر آدمه واجب دکل
حتی فرض اولدینی سویلمکدن چکینمیان حریرلر
حریص اولدقلری بش اون آتونه مقابل ذاتاً
وخامت دینیه وسیاسیه سنی اکلا مدقلری او یله
برخطای عظیمی ده ارتکاب ایتملری ؟

برکت ویرسون ؛ که ارباب حمیت ودیان
حریرلری تهدید ایلہ اسکا نه موفق اولمشدرلر .
همتلی وار اولسون . « اولو الامر » ارباب امر

دیمکدر . کندندن بشقه هیچ بر کیمسه نی ایشه و بیوردلی یه قارش دیرمق ایسته میان بر ظالم ترویج اغراض ایچون یا لکن کندنی اولو الامر عدا یتدیرمک ایستیه چکی بدیهی ایشه ده بونی تصدیق و ترویج ایده جک دنی ورز یلارک بولنسی دهاز یاده . تلفله تلقی یه شایاندر . سیر خلقانی او قویوب محاکمه ایده بیلسه لر دین و ملتارینه ایتدکری خیانت و جنایتک درجه سنی آکلارلر . اولو الامر دن عدا یتک ایستدکری پادشاه خلقای راشدین اثر عالیه افشاء خلقک اطاعتی کندنی سنک عدالتیه نیچون تعلیق ایتیمور ؟ او امر الهیه و سنت نبویه یه نره ده ونه وقت اتباع ایلمشدر ؟ عدالتی ایستیلری نیچون محوه سعی ایدیور ؟ «شیطان اخرس» حقدن سکوت ایدندر . بیلورز بو حریفلرک ظلمی عموم عالم اسلامیت و جهان انسانیتک معالوی اولان و اوصاف امامت و خلافتدن هیچ برینی حازر اولوق استعداددن محروم یارادلمش برشتی یه عدم اطاعتی کفره حمل یلملری ایشه نکال دیوی و وبال اخروی نی مستلزم اوله بیلان قبا یحی بریه نک الک فضیحیدر .

ذکری یوقار و ده سبق ایدن ابی حازم بر قاج سنه استانبولی محاصره ایدن و غلظه ده کی عرب جامع شریفنک بانیسی اولان مجاهد شهر مسلمه ابن عبد الملك کچی بر ذاته اطاعتی قبول ایتیمور . کتاب و سسته مخالفلریله ساقط اولدینی درمیان ایدوب سوزینی تقویه ایدیور . حقایق شریعتدن بی بهره بر طاقم نادان مرأی لک عرب جامع شریفنه قدر اوتوز بیک عسکر یله قورقوسندن کیر میان و یاخود صحتی اخلال ایلدیکی جمعه نمازینی قیلمق جلوه سی ضمننده یکریمی خطوه مسافه ده بولنان بر مسجده کیدوب کلنجه یه قدر بکلمسی ایچون پک اوزاق موقعلردن

بر جوق زحمت و مشقتله او قدر عساکر اسلامی جلب ایله جمله سنک او کون نماز سنز قالمسنی تجویز ایدن خان بر مسکینه خلیفه دیوب ده جهلای اغفال ایتلری عفو اولور فنالقلردن دکادر . بواتهام صرف دیانت و عبادت نقطه نظرندن وارد اولور . حکمدارک مصالح دنیویه مزای تشویش ایدن افعالی نظر اعتباره آنه رق محاکمه سی لازم کلسه اقوام وحشیه نک الک ظالم ظن اولنان حکمدارلری یله کیرو ده قالور . بو خصوصلرده هیچ برینک انکارینه محل یوق ایکن اللهدن قورقه دن انساندن اوتامه دن نصل اولیور ده بر طاقم ادانی حریفی مدح و ثنا . بر طاقمی ده عدو اکبری بولندیغی شریعت مطهره اسلامیه نامنه کندوسنه اطاعتی توصیه ایدیور . پادشاهه عدالت ، شجاعت کچی اوصاف عالیله لازم دکلمی ؟ ممدوح اشرار و ممدوح اخیار عبد الحمیدده بولردن قنغیسی واردر بیکارجه کوی خراب ایدیورده ظلماً طولیادینی اواره دن مرأیانه بر جامع یادیور . بونکله ده کندینی حسنات صاحبی متدین بر ذات کوسترمک ایستیمور . پادشاهه اولو عدالت لازمدر . عدالتی اولمیان ظالمدر . ظالمه الله لعنت ایدیور . بزده ظلمندن قورتلوق و اخوان دینزی قورنارمق ایچون بر آن اول دفعنی تسهیل ایده جک قولی و فعلی هر نوع وساطه مراجعت ایتلی بر شریعتک ایستدیک اولو الامر ی آراملی بر . بر طاقم خونه دین امر او دیلسز شیاطین علما و مروج باطل ایدباکی اولیملم .

فترادن قهرآ و جبرآ آناندن بزده استفاده ایتیمور . آنلری سفالتدن قورنارمغه و عدالته نائل ایتیمک چالشمله ملته اولان بورجری اوده یه بیلورز ایشه بوسعی و غیرت اقوام و جمهور اولان عدالت مقتضی سیدر . ملتدن استفاده ایله یینه اوملته افاده بیننده معادله آرامق الوهیتک

الک کزیده و بختیار قوللری نیک خاصه سیدر . بونک حلاوتی مظهر هدایت ربانیه اولان اخیار تذوق ایدر . محروم فضائل حمیت اولان کسان ایشه حقنه و خلقه قارشو بر رصنیعه و بهانه ایله کندیلرینی معذور کوسترمکه یلتورلر . عذر لری نزد خالقده بروقت مقبول اوله میه جنی کچی نزد مخلوقده دخی چوق کچمه دن ماهیتک اکلا شلمسی محقق بولندیغندن معذور اولملری شویله طورسون انتقادات شدیدیه یه مقاومتدن عاجز اولدیلرینی فهم و ادراک ایتدکری بر زمانده خاستانه خجالت زده سکوت و مبهویت اوله جقملری شبهه سزدر .

ناصح

پرنس مصطفی فاضل پاشا نک لایحه سنندن (مابعد)

ایواه ! شوکتلو اقدم !

حال حاضرده نظرآ بزده کی یالکر اخلاق حسنه نک تدبیری ایلر زکات و فطریه نک آشاغیه مسی قضیه سی اولمسابوب برده فقر دنیان بلای هولناک ایلده دخی اوغراشمقده نز . خزینه نک مضایقه سی نیجه کره کال تأسفه منظور هاپونکنز اولدی . و عسکر و مأمورلرک معاشلری و قبیله و یلمدیکندن قاج دفعه لر اظهار کدورت بیوردیکر . و بمالک شریفه ده آیلنی مرتبه کفایه ده اولمیان مأمورلر احتیاجاتی اهالی صرندن تعویض ایده جک بولندن بر معاشلرک حد نصایبده و بر یله مامسندن قاج کره قلب هاپونلری متأثر اولمشدر . لکن دولت علیه نک مضایقه مالییه سی حقیقه باقاسه اوله کدر و حیرت و بره جک درجه ده دکادر . و سزک حکومتکن شول دولتار دندرکه نفوس موجوده سی عددلرینه نسبتله موازنه جه الک اهون و معتدل صورته تعیش ایدرلر . ایدمی موازنه بوقدر متوسط ایکن سبب نه در ؛ که دولت کزی از کمده در . و بونک سبی اولو بر کونک پک نظامسز بولده تحصیل اولغی ثانیاً اهالی غایت جاهل و تبذل اولدیلندن فقر و فاقیه و دوشمسیدر . و حکمت بودرکه سائر حکومتلر اهالیسنجه پک خفیف کوربانن یوکلری بیله سزک اهالیکنزک قالدیرمغه اقتدارلری قالمشدر .

صنعت و تجارت و زراعت کوندن کونه اول درجه لرده آزالمقده درکه کویا اهالی احتیاجی حصدن قالمش